



UNIVERSITÄTS-
BIBLIOTHEK
PADERBORN

**Candidatus Abbreuiatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus XLVIII. De Ecclesiis ædificandis vel reparandis.

[urn:nbn:de:hbz:466:1-63462](https://nbn-resolving.org/urn:nbn:de:hbz:466:1-63462)

TITULUS XLVIII.

De Ecclesiis ædificandis, vel reparandis.

SUMMARIUM.

1. *Quid hic intelligatur per Ecclesiam.*
2. *Quid requiratur, ut ædificetur nova.*
3. *Quinam obligentur ad reparandam ruinosa
&c.*

1 **E**cclesia hic denotat ædem, in qua Fideles conveniunt non tantum ad orandum, sed etiam ad audiendam Missam & Verbum DEI, atque ad percipiendæ Sacramenta, Episcopi auctoritate constitutam, consecratam, vel benedictam. De hac inquirendum 1. quid requiratur ad novam Ecclesiam, maximè Parochialem, ædificandam. 2. & qui ad eam, si collapsa vel destructa vel ruinosa fuerit, reparandam sumptus conferre debeant.

2 Dico 1. Ut ædificetur Ecclesia nova, requiritur 1. Consensus & autoritas Episcopi, locum congruum designantis, ibique crucem figentis, & primum lapidem ponentis; quæ tamen per substitutum quoque facere potest. 2. Competentis dotis, quæ sufficiat ad procuranda luminaria, sacrum ministerium, custodiam, & custodum stipendia, assignatio. 3. Absentia præjudicii alterius Ecclesiæ, præsertim Parochialis, nisi aliud exigat necessitas vel alia iusta causa: quale tamen præjudicium esse non censetur concursus populi
ad

ad antiquiorem Ecclesiam fortè imminuendus. Textus & DD. in c. *fin. h. t. c. 8. de consecr. Eccl. c. 4. de privil. in 6. & can. 9. d. 1. de consecr.* Ut autem ædificetur nova Ecclesia *Parochialis* intra fines alterius Parochiæ, requiritur ulterius 1. præter auctoritatem Episcopi etiam consensus Capituli. 2. Ut adsit justa ac specialis causa, qualis esse censetur magna difficultas Parochianorum, v. g. ob distantiam, interjacens flumen, &c. in ædificanda Ecclesia Parochiali, vel periculum, ne quis decedat sine Sacramentis &c. 3. Ut saltem 10. familiæ adsint pro nova Parochia. 4. Ut audiatur Parochus antiquus, Patronus, & alii, quorum interest, licet consensus eorum non fit absolute necessarius. 5. Ut novæ Ecclesiæ statuatur tanta dos ex redditibus antiquæ Ecclesiæ seu Matris (salvâ tamen congruâ antiqui Parochi) vel aliunde, quanta sufficit ad sustentationem novi Parochi, ad luminaria, & ministeria sacra. 6. Ut antiquæ Ecclesiæ servetur competens honor, ab Episcopo determinandus, v. g. aliquis census annuus: Parocho autem antiquo, si dos ex ejus redditibus sit assignata, jus præsentandi novum Parochum. Trid. *f. 21, c. 4. de ref. c. 3. & fin. h. t. & ibi DD. c. 3. 9. de his, quæ sunt à Prel. can. 3. caus. 10. q. 3. can. 9. cit.*

Dico 2. Ecclesia (maximè Parochialis: idem 3
est de ædibus & domo Parochi) si collapsa fuerit
vel destructa, vel ruinosa, reparari ac restaurari
debet 1. ex redditibus ipsius Ecclesiæ, si habeat
sufficientes pro fabrica & necessitatibus suis de-
signatos. 2. His deficientibus ex toto, vel ex
parte, saltem concurrere ad reparationem tenen-
tur Beneficiati & Parochi, si habeant redundan-

tes ultra congruam sustentationem redditus ab Ecclesia, item Patroni, Decimatores, ac alii pro rata fructuum, quos quomocunque ex tali Ecclesia provenientes percipiunt. 3. Si nec illi superfluos, nec isti ullos redditus ab Ecclesia percipiant, obligatio incumbit populo & parochianis Sacramenta aut alia Divina percipientibus in tali Ecclesia. Trid. *f. 21. c. 7. de ref. c. 1. 3. 4. h. t. caus. 10. can. 10. q. 1. & can. 1. seqq. q. 3.* Sed nota, ante prædictos obligari illos, qui vel ex conventionibus vel statuto, vel consuetudine ad reparacionem adstringuntur. Item observa, decimatores Laicales seu, qui Decimas penitus sæcularizatas percipiunt, sive sint Laici sive Clerici, seclusa consuetudine contraria probabilius non teneri concurrere. Nav. *de re dit. Eccl. n. 5. 57.* & teste Zypæo *de Paroch. consult. 4. n. 2.* plerique DD. ex ratione, quia tales decimæ ab Ecclesia & officio spirituali avulsæ non amplius sunt proventus Ecclesiæ, sed bona merè temporalia, oneri bonorum & proventuum Ecclesiæ non amplius annexa, & habent se instar patrimonialium. Decet tamen, ut & illi ubi opus est, concurrant.

TITULUS XLIX.

De Immunitate Ecclesiarum, Cæmeterii, & Rerum ad eas pertinentium.

SUMMARIUM.

I. *Quid & quotuplex sit Immunitas Ecclesiastica.*

2, *Im.*